



01
99

Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption Office

Broj: 20-04-58637-57/25 E.Đ.
Sarajevo, 08.01.2026. godine

SKUPŠTINA KANTONA SARAJEVO
KABINET PREDSJEDAVAJUĆEG I ZAMJENIKA PREDSJEDAVAJUĆEG
SKUPŠTINE KANTONA SARAJEVO
N/r Predsjedavajućeg Skupštine

PREDMET: Odgovor na zastupničku inicijativu zastupnika Faruka Selmanovića, dostavlja se
Veza: Vaš akt broj: 01-04-58637-8/25 od 29.12.2025. godine

Poštovani,

Zastupnik u Skupštini Kantona Sarajevo Faruk Selmanović je, na 28. radnoj sjednici Skupštine Kantona Sarajevo, održanoj 29.12.2025. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa članom 212. stav (2) Poslovnika Skupštine Kantona Sarajevo, uputio zastupničku inicijativu u kojoj se između ostalog navodi:

„Zbog navedenog, smatram neophodnim da se izvrši jednokratno, sveobuhvatno ažuriranje Registra sa jasnim presjekom stanja, te da se Skupštini Kantona Sarajevo i javnosti prezentuju precizni podaci, uključujući informaciju o tome koje su institucije i kada posljednji put ažurirale svoje podatke, kako bi se osigurala puna transparentnost i odgovornost.“

U nastavku dostavljamo odgovor Ureda za borbu protiv korupcije Kantona Sarajevo (u daljem tekstu: Ured) po navedenoj zastupničkoj inicijativi.

Vlada Kantona Sarajevo donijela je Odluku o registru zaposlenih u javnom sektoru na području Kantona Sarajevo („Službene novine Kantona Sarajevo”, br. 9/19, 23/19 i 6/21 - u daljem tekstu: Odluka). Ovom odlukom uspostavlja se Registar zaposlenih u javnom sektoru Kantona Sarajevo (u daljem tekstu: Registar) kao evidencija podataka o zaposlenim licima u organima uprave i institucijama javnog sektora Kantona Sarajevo, Grada Sarajevo i općina koje su se priključile unosu podataka u navedeni registar. Odlukom je propisana obaveza svih organa i institucija iz člana 2. Odluke da vrše blagovremeni unos podataka o zaposlenim licima u tim organima i institucijama u Registar.

Podatke o zaposlenim u javnom sektoru Kantona Sarajevo u Registar neposredno unose ovlaštene osobe institucija u kojima je lice zaposleno. Ured je uspostavio neposredni način unosa podataka u navedeni registar. Ovlaštene osobe organa i institucija obavezne su blagovremeno unositi podatke o zaposlenim licima u tim organima i institucijama, u roku 10 dana od dana zaposlenja odnosno izvršenih promjena. Članom 12. Odluke propisano je da za autentičnost i tačnost unesenih podataka u Registar odgovorni su organi i institucije iz člana 2. pomenute odluke.

Članom 9. stav (3) navedene odluke propisano je da je Ured nadležan za praćenje rokova za unos podataka i reagovanje prema organima i institucijama u slučaju nepoštivanja odredbi Odluke u bilo kom segmentu iz nadležnosti Ureda.

Bitno je napomenuti da Ured kontinuirano radi na unapređenju svih registara, a jedan od primjera unapređenja ovog Registra zaposlenih je i uspostava neposrednog načina unosa podataka u isti. Također, kao vid unapređenja Registra Ured je kreirao analitičku platformu, sa javno dostupnim analitičko - statističkim pokazateljima i podacima iz ovog, ali i svih drugih registara (podaci o ukupanom iznosu osnovnih plata na godišnjem i mjesečnom nivou, ukupan iznos osnovnih plata po statusu vlasništva institucija, rangiranje institucija po broju zaposlenih, struktura zaposlenih po spolu i dr. analitičko-statistički izvještaji).

Registar je dio Informacionog sistema Ureda. U okviru svog Informacionog sistema, Ured vodi ukupno deset javnih registara, kao i Interaktivnu mapu gradnje i sječe šume. Svaki od registara sadrži modul setom analitičko-statističkih izvještaja koji su javno dostupni i koji obuhvataju više od 11.550.000 analitičkih varijabli. U Registru zaposlenih lica trenutno se nalazi više od 60.600 podataka o aktivnim i pasivnim licima, sa približno 1.400.000 analitičkih varijabli. Radi lakšeg i efikasnijeg korištenja podataka iz ovog, ali i drugih registara, uspostavljen je i sistem napredne pretrage. Sve ovo predstavlja jedinstveni sistem transparentnosti u Bosni i Hercegovini.

Iako Registar sadrži veliki broj podataka, te imajući u vidu činjenicu da Ured još uvijek nema zaposlenu osobu koja bi isključivo obavljala poslove kontrole tačnosti i potpunosti unesenih podataka, Ured kontinuirano, na dnevnoj osnovi, metodom slučajnog uzorka vrši kontrolu unosa podataka u Registar zaposlenih lica, kao i u druge registre u okviru Informacionog sistema kojim raspolaže. U slučajevima kada se uoče određene nepravilnosti, Ured upućuje preporuke nadležnim institucijama radi njihovog otklanjanja ili postupanja na drugi način.

Sveobuhvatna sistemska analiza Registra zaposlenih lica izvršena je krajem 2022. godine, kojom prilikom su kod približno 50 institucija utvrđene određene nepravilnosti u vezi sa unosom i ažuriranjem podataka. Tim institucijama su upućeni pojedinačni zahtjevi za izjašnjenje, uz obavezu ažuriranja i usklađivanja podataka u Registru.

U narednom periodu, u skladu sa utvrđenim prioritetima i raspoloživim kapacitetima, Ured planira izvršiti detaljnu sistemsku provjeru podataka u Registru, u saradnji sa Poreznom upravom Federacije Bosne i Hercegovine, kao institucijom koja raspolaže relevantnim i pouzdanim podacima neophodnim za provođenje ove aktivnosti. Ured je prethodno nastojao realizirati navedenu aktivnost u saradnji sa Ministarstvom finansija Kantona Sarajevo, međutim utvrđeno je da ovo ministarstvo ne raspolaže bazama podataka koje bi omogućile adekvatno provođenje nadzora u ovom segmentu. Također, Ured je uputio dopis svim organima uprave i institucijama sa zahtjevom da, ukoliko to već nije učinjeno, u najkraćem mogućem roku izvrše ažuriranje podataka u Registru zaključno sa danom 31.12.2025. godine, s ciljem osiguranja jasnog, potpunog i ažurnog presjeka stanja. Napominjemo da realizacija navedene aktivnosti, pored utvrđenih prioriteta i kapaciteta Ureda, te ljudskih resursa unutar Ureda, zavisi i od raspoloživih tehničkih i organizacionih kapaciteta, kao i od stepena saradnje Porezne uprave Federacije Bosne i Hercegovine, imajući u vidu obimnost postupka i veliki broj subjekata obuhvaćenih provjerom (više od 200 institucija).

S poštovanjem,

ŠEF UREDA

Dostaviti:

- Naslovu;
- a/a

